



835

Broj: 04/2- 33-5-415 /21- SB

Datum, 27 -01- 2021

28 -01- 2021

SKUPŠTINA  
KANTONA SARAJEVO

01 04 151-8-100

N/r gospodin Elvedin Okerić, Predsjedavajući Skupštine Kantona Sarajevo

Predmet: Odgovor na zastupničko pitanje

Primili smo Vas akt broj 01-04-151-8/21 od 05.01.2021. godine kojim ste nam prosljedili pitanje zastupnice Danijele Kristić postavljeno na 32. Radnoj sjednici Skupštine Kantona Sarajevo održanoj 05.01.2021. godine u okviru tačke dnevnog reda "Poslanička/zastupnička pitanja, inicijative i odgovori", a kojim je tražena informacija da li su raspisani tenderi za kontinuirane mjerače i glukozne senzore, ketonske trakice, zamjenske pumpe, potrošni materijal i kao i tender za trakice za mjerenje šećera za odrasle.

S tim u vezi dostavljamo slijedeći odgovor:

U svrhu pripreme javne nabavke određenog broja medicinskih sredstava koji se nalaze na Listi medicinskih sredstava utvrđenoj Uredbom o obimu, uslovima i načinu ostvarivanja prava osiguranih lica Kantona Sarajevo na medicinska sredstva ("Službene novine Kantona Sarajevo" broj 22/20) uključujući i medicinska sredstva namijenjena osiguranim licima oboljelim od šećerne bolesti koji se nalaze na terapiji inzulinom, u prethodnom periodu provedeno je istraživanje tržišta u svrhu prikupljanja podataka neophodnih za procijenu vrijednosti svake pojedine nabavke, što je posebno važno za medicinska sredstva koja su prvi put uvrštena na Listu medicinskih sredstava, za koja, kao takve, Zavod ne raspolaže sa historijski praćenim podacima o korištenju (broj korisnika, cijena, tehničke karakteristike) što je bitno kod planiranja svakog pojedinačnog postupka nabavke.

Pri istraživanju tržišta u konkretnom slučaju koji se odnosi na aparat za kontinuirano mjerenje šećera u krvi, utvrđeno je da aparat ni jednog od proizvođača nije upisan u registar medicinskih sredstava što je uslov za prometovanje na BH tržištu. Iz navednog razloga, proceduru izbora dobavljača nije ni bilo moguće izvršiti, te, trenutno, osigurana lica nabavku aparata sa pripadajućim sensorima vrše isključivo u inostranstvu. Takođe ni jedna od ovlaštenih specijalizovanih trgovina medicinskim sredstvima, kojima je upućen zahtjev, nije dostavila cijenu aparata za mjerenje ketona sa pripadajućim trakama. U cilju osiguranja ostvarivanja prava osiguranih lica na predmetna medicinska sredstva, a u dogovoru sa predstavnicima Udruženja dijabetičara djece i omladine Kantona Sarajevo, Zavod zdravstvenog osiguranja Kantona Sarajevo je, kao privremeno rješenje do konačnog izbora isporučio predmetnih medicinskih sredstava, donio odluku kojom je svim osiguranim licima kojima je utvrđeno pravo na korištenje ovih medicinskih sredstava, a ista su nabavili lično, omogućena refundacija sredstava. Zavod zdravstvenog osiguranja Kantona Sarajevo je na osnovu navedene odluke do danas izvršio refundacije za 14 aparata za kontinuirano mjerenje šećera i 605 komada pripadajućih senzora u ukupnom iznosu od 67.318,82 KM za 72 osiguranika.

Pravo na korištenje inzulinskih pumpi sa pripadajućim potrošnim materijalom kao i pravo na zamjensku pumpu, osigurana lica nesmetano ostavaruju, pod uslovima i uz medicinske indikacije utvrđene Uredbom.

Pravo na trake za mjerenje šećera u krvi djeca do 18 godina, u skladu sa važećim propisima, ostvaruju putem Zavoda zdravstvenog osiguranja i reosiguranja Federacije BiH. Odrasli preko 18 godina pravo na trake za kontrolu šećera ostvaruju putem Zavoda uz odgovarajuće učešće, tako da svaki osiguranik shodno vrsti aparata koji koristi, vrši izbor trakica u svim apotekama i specijalizovanim trgovinama za promet medicinskim sredstvima sa kojima Zavod ima zaključen ugovor. Postupak javne nabavke značio bi izbor traka samo jednog proizvođača, što znači da bi trenutno preko 9500 korisnika ovog prava, trebalo da pređe, bez obzira što već koriste određene aparate različitih proizvođača, na korištenje aparata jednog proizvođača, jer nabavka određenih traka zahtjeva i kompatibilni aparat istog proizvođača. Dakle, u ovom slučaju postupak javne nabavke ni u kom slučaju nije sporan, kao sam postupak, ali podrazumjeva prethodnu izmjenu već uspostavljenog sistema ostvarivanja ovog



prava, a koja se, između ostalog odnosi na izmjenu dosadašnjeg načina distribucije (sada osigurana lica utvrđeno pravo realizuju, pod istim uslovima, u svim apotekama i svim trgovinama za medicinska sredstva sa kojim Zavod ima zaključen ugovor, svakih 50 dana) i organizaciju distribucije putem Zavoda, nabavkom se osigurava jedna vrsta traka, jednog proizvođača, tako da je uz trake osiguranicima, koji već imaju aparat, potrebno distribuirati i odgovarajući novi aparat, čim se bitno utiče i na stečene navike korištenja određenog aparata, što iz naše dosadašnje prakse nije zanemarljivo, posebno kada se radi o starijim pacijentima, koji su i najčešći korisnici ovog prava (oko 60%) i često ne žele zamjenu. U narednom periodu Zavod će, u saradnji sa predstavnicima Udruženja dijabetičara, raditi na rješenju gore navedenih problema, a u najboljem interesu naših osiguranika koji se nalaze na inzulinu, korisnika ovog prava.

S poštovanjem,



DIREKTOR

Sakib Halilović, dipl.ing.

Dostavljeno:

1. Skupština Kantona Sarajevo
2. Sektor za ekonomiku i finansiranje
3. Sektor pravnih poslova
4. a/a.